

lis, & vult dicere, quod non debet esse iracundus, neque cupidus, sed quietus, pacificus, patiens, mortificationi assuetus, quod decet ipsum aures habere, & aliquando non audire; oculos, & non videre, & qui tandem longo tempore didicerit, experientiaque probauerit sensus mortificare, linguam frenare, carnem domare, ibi, *localis verò Correctores*. II. dicit quod dicti Correctores debent eligi à Capitulo locali in quolibet Conuentu, iuxta formam traditam in cap. Val. 4. nu. 25. & 26. & cap. Tolos. nu. 48. & iuxta ea, quæ dixi co. 1. Relig. q. 1. cap. 31. notab. 5. & 6. ibi, *facta prius in quolibet*. III. dicit, quod isti Correctores debent assignari in suis Conuentibus in Capitulis celebrandis in die S. Michaelis Archangeli, ibi, *mibi pariter assignentur*; inibi, idest in ea die, in qua celebratur Capitulum Prouinciale, refertur enim illud inibi ad §. antecedentem. In 2. parte statuit duo. I. quod dicti Correctores locales reuoluto sui Correctoriatus anno, semper debent adminus per annum subiecti manere, ibi, *ipsi vero*. II. limitat hanc propositionem, nisi ad altiora officia nouiter eligerentur. In 3. parte quod statuerat de subiectione Correctorum, statuit de subiectione quorumcunque Superiorum, scilicet quod tanto saltem tempore subiecti remaneant, quanto extiterunt Prælati, nisi etiam ipsi ad altiora officia de nouo eligantur, ibi, *ceteri autem*.

QVÆSTIO VNICA.

*Adnotantur aliqua circa Præscriptum
Textum.*

Not. 1. quod in Correct. nu. 103. clarius ex parte explicatur noster textus, dicitur enim ibi. In ipsis etiam annuis Capitulis prouincialibus debita fiat dispositio cunctorum localium Correctorum primitus electorum per cuiuslibet huius Ordinis Conuentus fratres vocales cum attestacione suarum secretarum literarum sub cuiuslibet Conuentus sigillo cunctorum eligentium